

## Rådet for menneske med nedsett funksjonsemne (RMNF) i Alver

Årsmelding 2020

Rådet har hatt 8 møte, og handsama 56 saker.

Det er innarbeidd rutine med førebuande møte i forkant av rådsmøta. Her går administrasjonen og leiingane i råda for eldre, unge og menneske med nedsett funksjonsemne gjennom aktuelle saker, og kjem fram til kva som skal setjast på råda sine saklister.

Rådsmedlemmene, i lag med eldrerådet, deltok på opplæring i regi av fylkeskommunen, dei fylkeskommunale råda og FFo Vestland 4. september og 2. oktober.

Vi deltok òg på ein verkstad om kommuneplanen sin samfunnsdel, i regi av planavdelinga i kommunen.

Rådsarbeidet har, som alt anna, vore prega av pandemien. Fleire av rådsmøta har vore gjennomførte digitalt, medan andre møte har vore flytta frå Rådhuset til kantina i Nordhordlandshallen, for å sikra betre avstand mellom møtedeltakarane.

Rådet har hatt oppe eit breidt spekter av saker. Vi har m.a. peikt på at ikkje berre FN sine berekraftsmål må liggja til grunn for planarbeidet i kommunen, men òg FN-konvensjonar som t.d. den for menneske med nedsett funksjonsemne (CRPD).

Om vi skal dra fram eitt saksfelt spesielt, så må det vera kommunen sine tenester innan rus, psykiatri og habilitering. I koronasituasjonen har vi understreka at det sjølvstøtt må gjelda smittevernreglar, men at desse ikkje må føra til at bebuarane vert fråtekne dei grunnleggjande rettane sine. Vi har drøfta retningslinjer for ferie- og fritidsreiser, og er glade for at det i budsjettet for 2021 har kome på plass eit fond på 200.000,- kroner til dette føremålet. Det er ikkje mykje, men ein god start. Ein omfattande konsulentrapport kom på bordet ved årsskiftet, så desse tenestene kjem nok på sakskartet framover òg.

17. desember fekk rådsleiaren høve til å ha eit innlegg i kommunestyret, i samband med handsaminga av økonomiplanen. Vi ser på dette som ei positiv anerkjenning av rådet sitt arbeid. I det heile opplever vi samarbeidet med både den politiske og den administrative leiinga i kommunen som godt, og vi nyttar dette høvet til å takka alle som legg til rette for at vi kan utføra oppgåvene våre.

Knarvik i februar 2021

Magne Bjørndal, rådsleiar